

NOGOMETNI SAVEZ FEDERACIJE BOSNE I HERCEGOVINE

PROPOZICIJE
takmičenja Prve i Druge futsal lige FBiH
za takmičarsku 2025/2026 godinu

Sarajevo: septembar/rujan 2025. godine

Broj: 2101/25
Sarajevo: 08.09.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 6. sjednici održanoj 08.09.2025. godine u Sarajevu, donio je s l j e d e ć u:

PROPOZICIJE
takmičenja Prve i Druge futsal lige FBiH
za takmičarsku sezonu 2025/2026

I - OPŠTE ODREDBE

Član 1.

- 1.01. Ovim Propozicijama utvrđuje se način organiziranja i provođenja takmičenja u Prvoj i Drugoj futsal ligi Federacije BiH u takmičarskoj 2025/2026 godini.

II - UČESNICI TAKMIČENJA

Član 2.

- 2.01. Učesnike takmičenja Prve i Druge futsal lige Federacije BiH za takmičarsku sezonu 2025/2026 utvrđuje Izvršni odbor NS FBiH na prijedlog Komisije za takmičenje NS FBiH, na osnovu plasmana iz prethodne takmičarske sezone i na osnovu prijave klubova i k/ž saveza.
- 2.02. U takmičenju Prve i Druge futsal lige Federacije BiH učestvuju klubovi sa područja Federacije BiH.
- 2.03. U takmičenju Prve futsal lige Federacije BiH učestvuje 12 klubova na osnovu plasmana iz prethodne takmičarske sezone i izvršenih prijava klubova na temelju plasman.
- 2.04. U takmičenju Druge futsal lige Federacije BiH učestvuju klubovi na osnovu prijave za takmičenje.
- 2.05. Klubovi Druge futsal lige Federacije BiH su raspoređeni u tri grupe na osnovu regionalne podijeljenosti.
- 2.06. Učesnike u takmičenju i grupe utvrđuje Izvršni odbor NS Federacije BiH.

III - RUKOVOĐENJE TAKMIČENJEM

Član 3.

- 3.01. Takmičenjem rukovodi Izvršni odbor NS FBiH putem Komisije za takmičenje NS FBiH. Izvršni odbor NS FBiH donosi kalendar takmičenja i utvrđuje način žrijebanja klubova.
- 3.02. Organi takmičenja Prve i Druge futsal lige FBiH su:
- Komisija za takmičenje NS FBiH - rukovodi takmičenjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz takmičarskog dijela, određuje delegate za utakmice, vrši analizu obavljanja delegatske dužnosti;
 - Komisija za sudije i suđenje NS FBiH - delegira sudije i vrši analizu suđenja na svim utakmicama;
 - Disciplinska komisija NS FBiH – donosi prvostepene disciplinske odluke;

- Apelaciona komisija - je drugostepeni organ koji donosi odluke po žalbama na prvostepene odluke iz takmičarsko i disciplinskog dijela,
 - Druge komisije Izvršnog odbora NS FBiH
- 3.03. Ostale nadležnosti i zadaci komisija i pravnih tijela NS Federacije BiH propisani su Pravilnikom o radu Komisija Izvršnog odbora, pravnih tijela i takmičarskih organa NS FBiH te ostalim pravilnicima i odlukama Izvršnog odbora NS FBiH i NS/FS BiH.

Član 4.

- 4.01. Takmičenje Prve futsal lige Federacije BiH provodi se po dvostrukom bod sistemu i vremenski utvrđenom kalendaru, sa dvije takmičarske polusezone, jesen i proljeće.
- 4.02. Takmičenje Druge futsal lige Federacije BiH provodi se po dvostrukom bod sistemu i vremenski utvrđenom kalendaru, sa dvije takmičarske polusezone, jesen i proljeće.
- 4.03. Kalendar i raspored takmičenja, usvaja Izvršni odbor NS Federacije BiH.
- 4.04. Raspored odigravanja prvenstvenih utakmica prvog dijela određuje se prije početka takmičarske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini. Zainteresovani klubovi mogu podnijeti pismeni zahtjev za razdvajanje takmičarskih brojeva Komisiji za takmičenje NS FBiH.
- 4.05. Odluku o izmjenama kalendara takmičenja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za takmičenje NS Federacije BiH.
- 4.06. Raspored utakmica za prvenstvo Prve i Druge futsal lige FBiH određuje se žrijebom takmičarskih brojeva i primjenom „Bergerove tablice“.
- 4.07. Takmičenje Prve i Druge futsal lige FBiH administrativno se vodi kroz COMET informacijski sistem.

IV – DVORANA

Član 5.

- 5.01. Klubovi Prve i Druge futsal lige FBiH zvanične utakmice igraju u dvorani čije dimenzije moraju biti u skladu sa Pravilima futsal igre.
- 5.02. Klubovi Prve i Druge futsal lige FBiH obavezni su zvanične utakmice igrati u dvoranama koja ima sljedeće dimenzije: dužina 40-42 metra, širina 20-25 metara.
- 5.03. Teren za igru mora biti odvojen od gledališta žičanom (zatvorenim) ogradom punog profila i odgovarajućeg kvaliteta, minimalne visine 120 cm, računajući sa nivoa tribina.
- 5.04. U dvorani moraju biti svlačionice za obje ekipe i posebna svlačionica za suce. Sve svlačionice moraju imati mokre čvorove- kupatila sa toplom vodom. Svaka svlačionica treba imati zaseban WC.
- 5.05. Izlazak na teren i povratak u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja.
- 5.06. U dvoranama mora biti osigurana posebna prostorija za sastavljanje zapisnika. Klub domaćin treba da obezbijedi:
- ispravan kompjuter sa štampačem
 - ispravnu internet konekciju
- Neispunjavanje ove tačke sa sobom nosi disciplinske posljedice.

- 5.07. Klub domaćin treba da obezbijedi jednu kontrolnu sobu za hitno okupljanje krizne grupe na utakmici. Ova kontrolna soba služi za hitno okupljanje delegata, službenih predstavnika klubova, komesara za bezbjednost domaćina i predstavnika policije u slučaju krizne situacije. U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocjeniti ima li elemenata za nastavak ili prekid date utakmice.
- 5.08. Uz teren ili na tribinama, za snimatelja utakmice mora biti uzvišeno i potpuno zaštićeno od publike, mjesto za snimanje utakmica na poziciji središnje crte igrališta kako bi se mogao pokriti cijeli teren za snimanje. Snimanje utakmica regulisano je posebnim uputstvom o snimanju utakmica izdatim od strane NS FBiH.

V – DUŽNOST KLUBOVA

Član 6.

- 6.01. Klubovi su obavezni da dostave u Sekretarijat NS FBiH;
- naziv dvorane na kome će igrati utakmice;
 - naziv zamjenske dvorane u slučaju zauzetosti prvoprijavljene dvorane;
 - mjesto odigravanja utakmica;
 - boju dresova (dres, šorts i štucne), kao i rezervnu boju sa kojom će klub nastupati;
 - dan odigravanja utakmica (subota ili nedjelja).

Član 7.

- 7.01. Klub domaćin igra utakmice u mjestu sjedišta kluba, a u nedostatku dvorane u zamjenskoj dvorani koja je dobila suglasnost nadležnog organa, a koja ne može biti van kantona/županije u kome je sjedište kluba, izuzev ako se radi o dvorani koja se nalazi na području drugog kantona/županije, a nije udaljena više od 50 km od mjesta sjedišta kluba.
- 7.02. Dvorana koju klub prijavi pred početak takmičarske sezone ne može se mijenjati tokom sezone, izuzev u iznimnim situacijama o kojima odlučuje Komisija za takmičenje NS FBiH uz poštivanje principa regularnosti takmičenja.

Član 8.

- 8.01. Organizaciju utakmica vrše klubovi domaćini, koji su obavezni obezbijediti sve uslove u skladu sa važećim propisima. Klub domaćin je obavezan poduzeti sve potrebne mjere za sigurnost sudaca, delegata, posmatrača suđenja i gostujućeg tima, za vrijeme odigravanja utakmice i sve do napuštanja dvorane.
- 8.02. Klub domaćin isključivo je nadležan za red i sigurnost prije, tijekom i nakon utakmice, te će biti pozvan na odgovornost zbog bilo kojeg incidenta, pa može biti kažnjen u skladu sa odredbama Disciplinskog pravilnika NS/FS BiH. U slučaju nastanka štete, klub domaćin dužan je nadoknaditi štetu nastalu incidentom.
- 8.03. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 8.04. Klub domaćin obavezan je postaviti Državnu zastavu BiH i zastavu NS/FS BiH. U dvorani mogu biti entitetske zastave, zastave kantona/županija, klupske zastave i zastave fair-playa. Postavljanje drugih zastava nije dozvoljeno. Istaknute zastave moraju biti istih dimenzija.

- 8.05. Državnu zastavu i zastavu NS/FS BiH klub je obavezan postaviti iznad zapisničkog stola ili na zid suprotno od tribine ukoliko se zapisnički stol nalazi na istoj strani kao tribina. U dvoranama gdje se sa obje strane nalaze tribine zastave se postavljaju ispod glavnog semafora. Zastave moraju biti istih dimenzija u skladu sa standardima.

Član 9.

- 09.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 90 (devedeset) minuta prije određenog termina za početak utakmice.
- 09.02. Za odigravanje utakmica Prve i Druge futsal lige FBiH klub domaćin je obavezan obezbijediti tri (3) ispravne lopte za futsal u skladu sa pravilom 2. Pravila futsal igre.
- 09.03. Utvrđivanje podobnosti terena za igru vrši sudija utakmice u prisustvu oba kapitea ekipa.
- 09.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima futsal igre.

Član 10.

- 10.01 Klubovi su obavezni doći u dvoranu na kome će se odigrati utakmica najkasnije 90 (devedeset) minuta prije utvrđenog vremena za početak utakmice te prisustvovati radnom sastanku (brifingu) kojim predsjedava delegat utakmice.

Član 11.

- 11.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici i odgovarajuće akreditacije za iste.
- 11.02. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

Član 12.

- 12.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice, posmatrača suđenja, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja dvorane, kao i poduzeti sve mjere u dvorani za odigravanje utakmice i oko nje, predviđene ovim Propozicijama takmičenja, Pravilnikom o sigurnosti, kao i ostalim pravilnicima, odlukama, propisima i uputstvima NS/FS BiH i NS FBiH.
- 12.02. U skladu sa Pravilnikom o bezbjednosti NS/FS BiH, klub domaćin je obavezan obezbijediti najmanje 5% kapaciteta dvorane za dolazak gostujućih navijača.
- 12.03. Klub domaćin obavezan je obezbijediti najmanje 10 označenih i odvojenih mjesta od ostatka gledališta za smještaj delegacije gostujuće ekipe te predstavnike saveza u centralnom dijelu glavne tribine.
- 12.04. Klubovi su dužni na domaćim utakmicama obavezno obezbijediti:
- Klub Prve futsal lige FBiH najmanje tri (3) pripadnika profesionalne zaštitarske agencije;

- Klub Druge futsal lige najmanje dva (2) pripadnika profesionalne zaštitarske agencije;
- Najmanje četiri (4) pripadnika redarske službe
- Pripadnike policije
- Liječnika i dežurno sanitetsko vozilo sa osobljem ili zamjensko vozilo.

Pripadnici profesionalne zaštitarske agencije obavezni su se potpuno profesionalno starati za sigurnost svih aktera utakmice.

- 12.05. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi Ministarstva unutrašnjih poslova, na čijoj teritoriji se treba odigrati utakmica, navodeći sve relevantne podatke, a posebno: mjesto i naziv dvorane, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.
- 12.06. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 12.07. Pismeno odobrenje za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 12.08. Bez pismenog odobrenja nadležne policijske stanice, ljekarske službe, sanitetskog ili zajenskog vozila, redarske službe utakmica se neće igrati. Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice.
- 12.09. Klub domaćin za neispunjavanje ovih obaveza snosi takmičarske i disciplinske posljedice u skladu sa Pravilnikom o nogometnim takmičenjima NS/FS BiH i Disciplinskim pravilnikom NS/FS BiH.
- 12.10. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar dvorane nije dozvoljeno prije početka utakmice, tokom utakmice i po završetku utakmice.
- 12.11. U dvoranama nije dozvoljeno isticanje transparenta i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.
- 12.12. Na terenu za igru za vrijeme odigravanja utakmice zabranjen je bilo koji oblik reklamiranja.
- 12.13. Za vrijeme odigravanja utakmica zabranjeno je točenje alkoholnih pića. Ostala pića mogu se točiti u plastičnim ili papirnom čašama.

Član 13.

- 13.01. Klubovi su na svim utakmicama moraju imati minimalno jednog trenera sa odgovarajućom UEFA licencom izdatom od strane Centra za edukaciju kadrova NS/FS BiH, a koji je registriran u COMET informacioni sistem.
- 13.02. Klubovi su dužni na svim prvenstvenim i kup utakmicama osigurati sljedeće:
 - Licenciranog trenera sa odgovarajućom UEFA licencom za futsal;
 - Akreditiranog službenog predstavnika (akreditacije izdaje NS FBiH);
 - Akreditiranog komesara za bezbjednost na domaćim utakmicama (akreditacije izdaje NS FBiH);
 - Akreditiranog liječnika ili fizioterapeuta (akreditacije izdaje NS FBiH);
 Klubovi Prve futsal lige FBiH obavezni su na domaćim utakmicama osigurati prisustvo liječnika i fizioterapeuta, a na svim gostujućim utakmicama prisustvo liječnika ili fizioterapeuta.

- Mjerioca vremena;
 - Na domaćim utakmicama vozilo hitne pomoći ili adekvatno zamjensko vozilo sa dežurnim vozačem u slučaju potrebe prijevoza do zdravstvene ustanove.
- 13.03. Predstavnik kluba, glavni trener ili pomoćni trener ne mogu biti ista osoba.
- 13.04. Predstavnik kluba i igrač ne mogu biti ista osoba.
- 13.05. Predstavnik kluba, komesar za bezbjednost, ljekar i fizioterapeut obavezni su posjedovati odgovarajuću takmičarsku akreditaciju koju izdaje NS FBiH za takmičarsku sezonu 2025/2026.
- 13.06. Registracija trenera vrši se za takmičarsku sezonu.
- 13.07. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistem.
- 13.08. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.
- 13.09. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igrača.
- 13.10. U tehničkom prostoru mogu boraviti treneri sa validnom UEFA licencom a koji su registrirani putem COMET informacionog sistema.
- 13.11. UEFA trenerske licence moraju biti validne da bi isti bili registrirani u COMET informacioni sistem za takmičarsku sezonu 2025/2026 od strane NS FBiH.
- 13.12. Takmičarske akreditacije službenog predstavnika, komesara bezbjednosti, ljekara i fizioterapeuta validne su ako su izdane od strane NS FBiH za takmičarsku 2025/2026 godinu.
- 13.13. Sva akreditirana/licencirana službena lica moraju biti unesena i evidentirana u COMET informacioni sistem (treneri, predstavnici kluba, ljekari, fizioterapeuti i komesari za bezbjednost), od strane administracije NS FBiH.

Član 14.

- 14.01. Klub domaćin obavezan je obezbijediti mjerioca vremena i najmanje jednu osobu za čišćenje terena, koji se moraju javiti delegatu i sudijama utakmice najmanje 30 minuta prije početka utakmice i biti spremni i sposobni za obavljanje te dužnosti.
- 14.02. Svi klubovi organizatori utakmice Prve i Druge futsal lige FBiH obavezni su delegatu prije početka utakmice prijaviti obučenog mjerioca vremena te su odgovorni za njegovo ponašanje i rad na utakmici.
- 14.03 Svaka dvorana mora imati moderan ispravan semafor da gledaocima, igračima i službenim osobama omogući tačne informacije koje se odnose na:
- imena obje ekipe,
 - preostalog vremena u bilo kojem period igre, odbrojavanje u minutama, sekundama i desetinkama sekunde od 20.00.0 do 0.00.0,
 - preostalo vrijeme kazne koje se izdržava, zbog isključenja igrača ili dva igrača iz obje ekipe, odbrojavanje od 02.00-0.00.0,
 - rezultat ,
 - time-outa, odbrojavanje od 01.00.0-0.00.0,
 - akumulirane prekršaje.
 - U slučaju neispravnosti semafora u dvorani klub domaćin je dužan obezbijediti stolni elektronski pokretni semafor ili stolni ručni semafor (npr odbojka, stolni tenis...itd), i ručnu štopericu.

- 14.04. Klub domaćin za neispunjavanje ovih obaveza snosi takmičarske i disciplinske posljedice u skladu sa Pravilnikom o nogometnim takmičenjima NS/FS BiH i Disciplinskim pravilnikom NS/FS BiH.

Član 15.

- 15.01. Dvorana u kojoj se odigravaju utakmice mora biti zagrijana na optimalnu temperaturu.

Član 16.

- 16.01. Klub domaćin obavezan je kvalitetno snimiti utakmicu Prve i Druge futsal lige FBiH na DVD-u i neposredno po završetku utakmice DVD u zapečaćenoj koverti, ovjerenoj klupskim pečatom, predati delegatu utakmice ili dostaviti u Sekretarijat NS FBiH putem linka najkasnije 24 sata po odigranoj utakmici. Obavezno je snimanje i poslije utakmice, sve dok igrači i službene osobe ne napuste teren za igru i to pod prijetnjom disciplinskih sankcija.
- 16.02. Snimanje se vrši u skladu sa posebnim uputstvom koje je sastavni dio ovih Propozicija.
- 16.03. Klub domaćin obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija, uz obaveznu najavu od strane gostujućeg kluba Komisiji za takmičenje NS FBiH i klubu domaćinu najkasnije 48 sati prije odigravanja utakmice. Bez pismene najave u propisanom roku, klub domaćin nije dužan omogućiti snimanje utakmice gostujućem klubu.
- 16.04. Klub domaćin može utakmicu emitirati u direktnom prenosu putem TV kanala ili društvenih mreža uz prethodnu saglasnost Komisije za takmičenje NS FBiH.
- 16.05. Ukoliko klub gost utakmicu emitira u direktnom prenosu putem TV kanala ili društvenih mreža, klub je obavezan tražiti saglasnost Komisije za takmičenje i kluba domaćina. U suprotnom klub snosi disciplinske posljedice.
- 16.06. Klub koji je prema ovim Propozicijama bio obavezan, a ne snimi utakmicu, ili koji ne dozvoli gostujućem klubu snimanje utakmice, klub koji u propisanom roku nadležnom organu ne dostavi video-materijal sa utakmice ili ga dostavi u neispravnom ili neupotrebljivom stanju, bit će kažnjen:
- novčanom kaznom od 500 KM do 2.000 KM,
 - a u težem ili ponovljenom slučaju od 1.000 KM do 3.000 KM.

VI – TRAJANJE IGRE I ZAKAZIVANJE UTAKMICA

Član 17.

- 17.01. Utakmica klupskog takmičenja u futsalu traje 2x20 minuta, a tokom utakmice mogu se izvršiti više izmjena igrača, a u skladu sa pravilima igre futsala.

Član 18.

- 18.01. Utakmice se mogu zakazati u terminu (početak utakmice) od 13:00 do 20:00 sati i to ukoliko se igra u subotu ili nedjelju. Ukoliko se iznimno igra nekim drugim danom u sedmici, utakmica se može zakazati u terminu (početak utakmice) od 17:00 do 20:00 sati.
- 18.02. Utakmice se mogu igrati i u drugom terminu uz pismeno odobrenje protivničkog kluba i odobrenje Komisije za takmičenje NS FBiH.

- 18.03. Klub domaćin obavezan je u NS FBiH, kao i protivničkom klubu, u pismenoj formi, dostaviti tačnu satnicu početka utakmice i to najkasnije četiri dana (srijeda do 14 sati) prije određenog dana za odigravanje utakmice.
U slučaju nepoštivanja ove odredbe, odluku o odigravanju utakmice donijet će Komisija za takmičenje NS FBiH.

Član 19.

- 19.01. Klubovi su obavezni odigrati svaku utakmicu predviđenu rasporedom i kalendarom takmičenja.
- 19.02. Komisija za takmičenje NS FBiH može donijeti odluku da se utakmice koje odlučuju o prvaku ili mjestu za ispadanje igraju isti dan u isto vrijeme, u skladu sa kalendarom takmičenja i odlukom Komisije za takmičenje NS FBiH.
- 19.03. U skladu sa prethodnim stavom, obavezuju se klubovi da blagovremeno osiguraju termin u dvorani ili zamjenskoj dvorani radi odigravanja utakmica dva posljednja kola takmičenja.
- 19.04. Klub koji ne doputuje na utakmicu ili ne obezbijedi dvoranu za utakmicu, pored takmičarskih posljedica (registracija utakmice službenim rezultatom), prema odredbama Disciplinskog pravilnika NS/FS BiH će se kazniti:
- oduzimanjem od tri do dvanaest bodova.
 - novčanom kaznom od 500 KM do 2000 KM, koju je klub dužan platiti na račun NS FBiH u roku od 30 dana od dana primitka odluke.

Član 20.

- 20.01. Svaki nedolazak na utakmicu smatra se neopravdanim, izuzev slučaja više sile, što u svakom konkretnom slučaju cijeni Komisija za takmičenje NS FBiH.
- 20.02. Klub koji započinje takmičenje obavezan je da registruje dovoljan broj igrača, kao i da se stara o blagovremenom dolasku na utakmicu vodeći računa o eventualnim smetnjama na putovanju (kvar na vozilu, zastoje i drugo).
- 20.03. Gostujući tim obavezan je u dvorani gdje se igra utakmica biti najkasnije 90 minuta prije zakazanog početka utakmice, a sastav tima sa igračkim legitimacijama dostaviti delegatu 45 minuta prije početka utakmice.
- 20.04. U slučaju neodigravanja dvije prvenstvene utakmice, prema odredbama Pravilnika o nogometnim takmičenjima BiH, klub će biti isključen iz takmičenja i snositi će disciplinske posljedice.
- 20.05. U slučaju da klub u toku takmičarske sezone odustane od takmičenja ili svojom krivicom bude isključen iz takmičenja, bit će kažnjen:
- Klub Prve futsal lige FBiH – novčanom kaznom u iznosu od 5.000 KM i oduzimanjem 6 do 12 negativnih bodova za narednu takmičarsku sezonu;
 - Klub Druge futsal lige FBiH – novčanom kaznom u iznosu od 3.000 KM i oduzimanjem 6 do 12 negativnih bodova za narednu takmičarsku sezonu;

VII – PROMJENA TERMINA, ODLAGANJE UTAKMICE

Član 21.

- 21.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba Komisiji za takmičenje NS FBiH, najkasnije osam (8)

dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.

- 21.02. U slučaju kada zahtjev za promjenu termina nije podnesen u skladu sa prethodnim stavom, ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 21.03. Odluku o izmjeni dana odigravanja utakmice uvijek donosi Komisija za takmičenje nakon sagledavanja svih okolnosti koje mogu imati uticaja na regularnost takmičenja. Utvrđena satnica početka utakmice koju je klub najavio najkasnije četiri dana prije dana odigravanja utakmice, može se u opravdanim slučajevima promijeniti odlukom Komisije za takmičenje NS FBiH.
- 21.04. Komisija za takmičenje NS FBiH, shodno ukazanoj potrebi, može i u drugim slučajevima donijeti odluku o promjeni termina utakmice.

Član 22.

- 22.01. Utakmica se može odgoditi ukoliko je iz jednog tima pozvano dva ili više igrača u reprezentaciju Bosne i Hercegovine radi odigravanja utakmica predviđenih kalendarom takmičenja, izuzev kada su u pitanju odigravanje utakmica posljednja dva kola a koje bitno utiču na konačan poredak na tabeli.
- 22.02. Odluku o odlaganju utakmice donosi Komisija za takmičenje i o tome pismeno obavještava zainteresirane klubove.

Član 23.

- 23.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za takmičenje donosi Komisija za takmičenje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

VIII – PRAVO NASTUPA IGRAČA

Član 24.

- 24.01. Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina ali sa obaveznim specijalističkim ljekarskim pregledom koji nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se proglašava sposobnim za nastupanje na utakmicama seniorskog uzrasta.
- 24.02. Na utakmicama Prve i Druge futsal lige FBiH mogu nastupiti samo igrači koji su operativni u COMET informacionom sistemu (koji su prošli proces registracije).
- 24.03. Svaka ekipa u zapisnik sa utakmice prijavljuje minimalno osam igrača. Klubovi koji nemaju najmanje osam igrača u zapisniku sa utakmice snosit će disciplinske sankcije.
- 24.04. Na početku utakmice svaka ekipa mora imati pet igrača. Ako u slučaju isključenja igrača ostane manje od tri igrača (uključujući vratara) u bilo kojoj ekipi, utakmica se mora prekinuti.

- 24.05. U sastavu prijavljenog tima Prve i Druge futsal lige moraju se nalaziti najmanje dva (2) igrača mlađa od 21 godine života, koji moraju biti fizički prisutna na klupi za rezervne igrače u sportskoj opremi i upisani u zapisnik sa utakmice.
- 24.06. Za takmčarsku 2025/2026 godinu, kao igrači mlađi od 21 godine života smatraju se igrači rođeni 01.01.2004. godine i mlađi.
- 24.07. U slučaju nedostatka mlađih igrača do 21 godine, suprotno navedenom stavu ovog člana, utakmica će biti registrovana službenim rezultatom 3:0 (par forfe) u korist protivnika.
- 24.08. Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri opomene.
- 24.09. Automatsku kaznu zabrane igranja jedne prvenstvene utakmice nastalu zbog dobivene tri opomene, igrač izdržava na prvoj sljedećoj prvenstvenoj utakmici.
- 24.10. Na svim prvenstvenim utakmicama može biti prijavljeno do devet (9) zamjenskih igrača. Igrač registriran za veliki nogomet može u jednom danu nastupiti na dvije utakmice i to isključivo na jednoj utakmici futsala i jednoj utakmici velikog nogometa.

Član 25.

- 25.01 Svaki igrač koji nastupa u takmičenju mora u COMET informacioni sistem imati unesen period važenja ljekarskog pregleda i period za koji je uplaćena članarina. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 25.02. Rok važnosti ljekarskog pregleda za igrače koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače od 17 godina 4 (četiri) mjeseca.
- 25.03. Za igrača koji nema upisan važeći ljekarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 25.04. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim takmičenjima NS/FS BiH.

Član 26.

- 26.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 26.02. Identitet se u pravilu utvrđuje prije početka utakmice.
- 26.03. Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.
- 26.04. Svi igrači moraju imati adekvatnu fotografiju pohranjenu u COMET informacioni sistem.

Član 27.

- 27.01. U takmičenju Prve i Druge futsal lige FBiH dopušten je nastup tri (3) igrača strana državljanina na utakmici. Igračima stranim državljanima ne smatraju se igrači koji imaju dvojno državljanstvo od kojih je jedno Bosne i Hercegovine.

- 27.02. U slučaju većeg broja stranih igrača, suprotno navedenom stavu ovog člana, utakmica će biti registrovana službenim rezultatom 3:0 (par forfe) za protivnika u korist protivnika, a klub će snositi i disciplinsku odgovornost.

IX – OPREMA IGRAČA

Član 28.

- 28.01. Klubovi moraju poštivati boju sportske opreme kluba protivnika (domaćeg kluba), koje su prije početka prvenstva prijavljene u Sekretarijat saveza i objavljene u biltenu NS FBiH.
- 28.02. Timovi na jednoj utakmici ne mogu igrati u istim ili sličnim bojama sportske opreme. U slučaju da se podudara boja opreme kod dva tima dresove će promijeniti domaća (prvoimenovana) ekipa, a delegat utakmice je obavezan prijaviti tim zbog zanemarivanja boje sportske opreme a klub će snositi disciplinsku odgovornost.
- 28.03. Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi. Za vrijeme odigravanja utakmice igrači na poleđini dresova moraju imati vidljive brojeve propisane veličine.
- 28.04. Obavezna oprema igrača je:
- dres
 - šorts
 - štucne
 - kostobrani
 - odgovarajuće patike
- 28.05. Igrači koji se nalaze u tehničkom prostoru obavezni su nositi markere sa brojevima koji su identični brojevima na dresu igrača, navedeno se odnosi i na igrača koji u igri mijenja vratara.
- 28.06. Vratar može da nosi donji dio trenerke, kao i dres u boji koja će ga jasno razlikovati od drugih igrača i sudija. Ako drugi igrač mijenja vratara, mora imati identičan dres kao vratar i sopstveni broj na dresu.

X – DELEGAT UTAKMICE

Član 29.

- 29.01. Za svaku prvenstvenu utakmicu Komisija za takmičenje određuje delegata koji zastupa NS FBiH i ima vrhovni nadzor na utakmici. Delegat je dužan doći u dvoranu najkasnije 90 minuta prije vremena određenog za početak utakmice.
- 29.02. Delegata na utakmici određuje Komisija za takmičenje NS FBiH, sa usvojene liste delegata za sezonu 2025/2026.
- 29.03. Ukoliko na utakmicu ne dođe delegirani delegat, njegovu dužnost preuzima posmatrač suđenja na toj utakmici.
- 29.04. Delegat utakmice zapisnik i izvještaj sa utakmice dostavlja kroz COMET informacioni sistem a ostalo prema uputstvu Komisije za takmičenje NS FBiH.
- 29.05. Delegat na utakmici je obavezan u roku od 24 sata po odigranoj utakmici kroz COMET informacioni sistem zaključiti delegatski izvještaj.

- 29.06. Delegat i sudije su obavezni dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev Komisije za takmičenje NS FBiH.

XI – POSMATRAČ SUĐENJA

Član 30.

- 30.01. Na utakmice Prve futsal lige Federacije BiH Komisija za suce i suđenje NS FBiH određuje posmatrača suđenja, sa liste posmatrača suđenja Prve futsal lige FBiH za sezonu 2025/2026
- 30.02. Uloga i obaveze posmatrača suđenja su definisane Uputstvom koje donosi Komisija za suce i suđenje NS FBiH.
- 30.03. Na utakmice play-offa Druge futsal lige FBiH Komisija za suce i suđenje NS FBiH delegirat će posmatrača suđenja.
Komisija za suce i suđenje NS Federacije BiH može na utakmice Druge futsal lige FBiH, za koje procijeni da bitno utiču na položaj na tablici i utakmice koje odlučuju o plasmanu, odrediti i posmatrača suđenja sa liste posmatrača suđenja Prve futsal lige Federacije BiH.

XII – SUCI

Član 31.

- 31.01. Prvenstvene i Kup utakmice sude nogometni suci sa liste sudija Prve i Druge futsal lige FBiH ili Premijer futsal lige NS/FS BiH.
- 31.02. Za sve prvenstvene utakmice, suce određuje Komisija za suce i suđenje NS FBiH.
- 31.03. Komisija za suce i suđenje NS FBiH može na utakmice u toku prvenstva delegirati trećeg suca.
- 31.04. Suci su dužni doći u dvoranu najkasnije 90 minuta prije vremena predviđenog za početak utakmice, pregledati teren u smislu Pravila futsal igre i ustanoviti njegovu sposobnost za igru. Ako suci ustanove da je dvorana neuslovna za igru i da se utakmica ne može igrati, dužni su svoju odluku priopćiti delegatu utakmice koji će o tome obavijestiti Komisiju za takmičenje NS FBiH.

Član 32.

- 32.01. Ako sudac koji je određen za suđenje utakmice ne dođe u određeno vrijeme za početak utakmice, utakmicu će suditi pomoćni sudac. Ukoliko na utakmicu ne dođe niti pomoćni sudac klubovi će se pismeno sporazumjeti da utakmicu sudi jedan od prisutnih sudaca saveznog/entitetskog ranga.
- 32.02. U slučaju da klubovi ne postignu sporazum, delegat utakmice će odlučiti koji će od prisutnih sudaca suditi utakmicu, što sve treba zapisnički konstatirati. Ukoliko sudac otkáže nalog za suđenje, obavezan je u pismenoj formi o tome obavijestiti NS FBiH i obrazložiti razlog otkaza.
- 32.03. Delegat i suci su odgovorni za tačnost podataka u zapisniku.

XIII – REGISTRACIJA UTAKMICA

Član 33.

- 33.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komisija za takmičenje NS FBiH registruje postignutim rezultatom.
- 33.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim takmičenjima NS/FS BiH.
- 33.03. Komisija za takmičenje NS FBiH vrši analizu i registraciju odigranih utakmica na prvom narednom sastanku.
- 33.04. Izuzetno, Komisija za takmičenje NS FBiH registraciju odigranih utakmica može izvršiti putem e-maila ili telefona. Verifikaciju registrovanih utakmica vrši Komisija za takmičenje NS FBiH na prvoj narednoj sjednici.
- 33.05. Ako je na utakmicu uložena žalba, rok za registraciju utakmice se produžava do konačne odluke.

XIV – ŽALBE

Član 34.

- 34.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramske ili e-mailom koji ima automatski ispis datuma i vremena o najavi žalbe.
- 34.02. Žalba sa pismenim obrazloženjem sa dokazom o uplaćenju taksu mora se dostaviti u NS Federacije BiH u roku od 48 sati po odigranoj utakmici.
- 34.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 34.04. Žalba se dostavlja putem Sekretarijata NS FBiH, Komisiji za takmičenje NS FBiH.
- 34.05. Uz žalbu se dostavlja dokaz o uplaćenju taksu u skladu sa odlukom IO NS FBiH.

Član 35.

- 35.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.
- 35.02. Odluke po uložnim žalbama bit će donijete u roku od osam dana od dana prijema žalbe, a iznimno taj rok može biti i produžen.
- 35.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučene pisma ili telegrama, datum na faksu kao potvrdu o žalbi te datum na novčanju uplatnici.

Član 36.

- 36.01. Žalbe u prvom stepenu rješava Komisija za takmičenje NS FBiH.

Član 37.

- 36.01. Žalba na prvostepenu odluku može se podnijeti Apelacionoj komisiji NS FBiH, u roku od osam dana od dana prijema odluke prvostepenog organa. Drugostepena odluka je konačna.
- 36.02. Za utakmice posljednja dva kola i utakmice doigravanja rok za podnošenje žalbe drugostepenom organu je tri dana.

Član 38.

- 38.01. U interesu regularnosti takmčenja i potrebe hitnosti postupka, organ koji donosi odluke može utvrditi i skraćeni žalbeni postupak.

XV – FINANCIJSKE ODREDBE

Član 39.

- 39.01. Kotizaciju, kojom se finansira rad organa koji u procesu takmičenja razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih i drugih poslova, klubovi uplaćuju na transakcijski račun NS FBiH.
- 39.02. Klubovi su obavezni uplatu kotizacije u cijelosti izvršiti najkasnije deset dana prije žrijeba takmičarskih brojeva.
- 39.03. Klubovi koji u predviđenom roku ne izvrše uplatu kotizacije neće biti uvršteni u žrijeb takmičarskih brojeva te neće učestvovati u takmičenju Prve i Druge futsal lige FBiH.

Član 40.

- 40.01. Službenim licima za utakmice Prve futsal lige Federacije BiH pripada sljedeća taksa:
- Delegatu utakmice..... 130 KM
 - Prvom sucu utakmice..... 150 KM
 - Drugom sucu utakmice..... 150 KM
 - Posmatraču suđenja..... 130 KM
- Službena lica nemaju pravo na dnevnicu.
- 40.02. Ukoliko službena osoba na utakmicu putuje više od 100 kilometara (u jednom pravcu) od mjesta boravka ima pravo na putne troškove u iznosu od 50 KM.
- 40.03. Ukoliko službena osoba na utakmicu putuje više od 150 kilometara (u jednom pravcu) od mjesta boravka ima pravo na putne troškove u iznosu od 100 KM.
- 40.04. Ukoliko se na utakmicu angažira treći sudac, taksa iznosi 80 KM

Član 41.

- 41.01. Službenim licima za utakmice Druge futsal lige Federacije BiH pripada sljedeća taksa:
- Delegatu utakmice..... 100 KM
 - Prvom sucu utakmice..... 100 KM
 - Drugom sucu utakmice..... 100 KM
- Službena lica nemaju pravo na dnevnicu.
- 40.02. Ukoliko službena osoba na utakmicu putuje više od 100 kilometara (u jednom pravcu) od mjesta boravka ima pravo na putne troškove u iznosu od 50 KM.

- 40.03. Ukoliko službena osoba na utakmicu putuje više od 150 kilometara (u jednom pravcu) od mjesta boravka ima pravo na putne troškove u iznosu od 100 KM.
- 40.04. Ukoliko se na utakmicu angažira treći sudac, taksa iznosi 70 KM

Član 42.

- 42.01. Navedene iznose naknada za službena lica (suci/delegati) klub je obavezan uplatiti svakoj službenoj osobi pojedinačno, najkasnije 24 sata po odigranoj utakmici obavezno na žiro račun.
- 42.02. Ukoliko klub ne isplati službena lica ili ih djelimično isplati, klubu se ostavlja rok od dodatna 24 sata da izmiri troškove, nakon čega se podnosi prijava za pokretanje disciplinskog postupka protiv kluba.
- 42.03. Validnu kopiju dokaza uplate službenim licima (suci/delegat) klub je obavezan dostaviti delegatu na brifingu prije početka naredne utakmice, što će delegat precizno utvrditi prije utakmice.

Član 43.

- 43.01. Novčana kazna klubova Prve futsal lige FBiH za crveni karton iznosi 100 KM, a za žuti 50 KM, sa rokom uplate prema odluci Disciplinske komisije NS FBiH.
- 43.02. Novčana kazna klubova Druge futsal lige FBiH za crveni karton iznosi 85 KM, a za žuti 35 KM, sa rokom uplate prema odluci Disciplinske komisije NS FBiH.

XVI – UTVRĐIVANJE PLASMANA

Član 44.

- 44.01. Plasman klubova utvrđuje se prema odredbama Pravilnika o nogometnim takmičenjima Nogometnog/fudbalskog saveza BiH.
- 44.02. Shodno odlukama IFAB-a gol u gostima se ne računa dvostruko.
- 44.03. Prvak Prve futsal lige Federacije BiH na kraju takmičarske sezone 2025/2026 prelazi u viši rang- Premijer futsal ligu BiH.
- 44.04. Na kraju takmičarske sezone 2025/2026, Prvu futsal ligu Federacije BiH napustit će onoliko klubova koliko je potrebno da bi se Prva futsal liga FBiH popunila klubovima koji ispadaju iz takmičenja Premijer futsal lige i klubovima pobjednicima doigravanja za ulazak u Prvu futsal ligu FBiH a da bi Prva liga FBiH u takmičarskoj sezoni 2025/2026 brojala 10 klubova.
- 44.05. Prvaci Druge futsal lige Federacije BiH ostvaruju plasman u doigravanje.
- 44.06. Prvak Prve futsal lige FBiH u seniorskoj konkurenciji automatizmom će ostvariti plasman i obavezno će igrati u Premijer futsal ligu BiH za juniore (U19), ukoliko se otvori prostor za popunu iste. Izuzetno, u Premijer futsal ligu za juniore U19 plasman će ostvarit će i obavezan je igrati drugoplasirani ukoliko klub prvak Prve futsal lige FBiH već učestvuje sa juniorskom selekcijom u Premijer futsal ligu BiH za juniore.

XVII – DOIGRAVANJE I POPUNJAVANJE PRVE FUTSAL LIGE

Član 45.

- 45.01 Prvu futsal ligu Federacije BiH u takmičarskoj sezoni 2026/2027 popunjavaju dva kluba Druge futsal lige FBiH „Sjever“, „Centar“, „Zapad“ i „Jug“ koji će se dobiti nakon odigranog doigravanja.
- 45.01 Prvu futsal ligu Federacije BiH u takmičarskoj sezoni 2026/2027 popunjavaju dva kluba Druge futsal lige FBiH koji će se dobiti nakon odigranog doigravanja.
- 45.02. U doigravanju za ulazak u Prvu futsal ligu Federacije BiH učestvuju samo prvoplasirani klubovi.
- 45.03. Doigravanje za ulazak u Prvu futsal ligu Federacije BiH igrat će se po dvostrukom Kup sistemu (dvije utakmice domaćin - gost) nakon izvršenog žrijeba, a pobjednici u ukupnom rezultatu ostvarit će plasman u Prvu futsal ligu Federacije BiH;
- 45.04. Ukoliko rezultat nakon dvije utakmice bude neodlučen, pristupit će se izvođenju udaraca sa tačke od šest metara kojim se dobija pobjednik, a prema Pravilima futsal igre.
- 45.05. Shodno odlukama IFAB-a gol u gostima se ne računa dvostruko;
- 45.06. Klubovi učesnici kvalifikacija za ulazak u Prvu futsal ligu Federacije BiH obavezni su domaće utakmice emitirati u direktnom prenosu putem TV kanala ili putem streama na društvenim mrežama.
- 45.07. U doigravanju za ulazak u Prvu futsal ligu primenjuju se takse službenih osoba za Prvu futsal ligu FBiH, shodno članu 40. Propozicija takmičenja.

XVIII – POPUNJAVANJE DRUGE FUTSAL LIGE

Član 46.

- 46.01. U narednoj takmičarskoj sezoni 2025/2026 Drugu futsal ligu Federacije popunjavaju klubovi koji su ispali iz Prve futsal lige BiH, klubovi koji izvrše prijavu za takmičenje i novoformirani klubovi koji ispunjavaju sve potrebne uvjete.

XIX – PRIJELAZNE I ZAVRŠNE ODREDBE

Član 47.

- 47.01. Za sve što nije predviđeno ovim Propozicijama vrijede odredbe Pravila igre za “Futsal” (mali nogomet), Odluke Međunarodnog borda, Pravilnika o nogometnim takmičenjima.

Član 48.

- 48.01. Ove Propozicije stupaju na snagu danom donošenja, a objavljuju se na web portalu Nogometnog saveza Federacije BiH.

P R E D S J E D N I K
Jabandžić Muris